



231 Kaskótrygging vinnuvéla

VÁTRYGGINGARSKILMÁLAR

1. Lög um vátryggingarsamninga.

- 1.1 Að öðru leyti en kveðið er á um í skilmálum þessum, vátryggingarskírteini eða öðrum gögnum, sem vátryggingarsamningurinn byggir á, gilda um hann lög nr. (númer) 30/2004 um vátryggingarsamninga.

ÞEIR SEM NJÓTA VÁTRYGGINGARVERNDAR.

2. Þeir sem eru vátryggðir.

- 2.1 Vátryggingartaki er vátryggður. Auk vátryggingartaka njóta vátryggingarverndar þeir starfsmenn í þjónustu vátryggingartaka sem stjórna vinnuvélum þeim, sem tilgreindar eru á vátryggingarskírteininu, og eru til þess bærir. Ennfremur nýtur vátryggingarverndar hver sá aðili sem félagið hefur samþykkt sem stjórnanda vinnuvélanna.
- 2.2 Vátryggingin er ekki til hagsbóta fyrir aðra aðila en greinir í 1. mgr. (málgrein), svo sem rétthafa að þinglýstum eignarrétti, veðrétti eða öðrum skráðum eða óskráðum eignarréttindum nema sérstaklega hafi verið samið um annað. Vátryggingin er heldur ekki til hagsbóta fyrir nýjan eiganda og fellur niður við eigendaskipti. Vátryggingin gildir þó fyrir nýjan eiganda, ef vátryggingaratburður verður innan 14 daga frá eigendaskiptum og nýi eigandinn hefur ekki sjálfur tekið vátryggingu.

GILDISSVIÐ VÁTRYGGINGARINNAR.

3. Vátryggð tæki.

- 3.1 Vátryggðar eru allar vélar og öll þau tæki, sem greind eru í sundurliðun vátryggingarskírteinis.

4. Landfræðileg mörk vátryggingarinnar.

- 4.1 Vátryggingin nær ekki til notkunar utan Íslands, nema sérstaklega sé um það samið. Sama gildir meðan vinnuvélin er flutt milli landa.

5. Bótasvið vátryggingarinnar.

- 5.1 Vátryggingin bætir beint tjón á hinni vátryggðu vinnuvél, sem verður vegna skyndilegra og óvæntra atvika, sem stafa af utanaðkomandi orsökum, sbr. þó 6. gr. Vátryggingin bætir skemmdir á sjálfri vinnuvélinni og eðlilegum aukahlutum, svo sem grjóttgrindum og venjulegum útvörðum, sem eru varanlega tengdir vinnuvélinni.
- 5.2 Félagið greiðir kostnað við flutning vinnuvélarinnar til næsta viðurkennda viðgerðarverkstæðis sé það nauðsynlegt vegna viðgerðar af völdum bótaskylds tjóns. Hafa skal fullt samráð við félagið vegna þess.

6. Takmarkanir á gildissviði vátryggingarinnar.

- 6.1 Vátryggingin bætir ekki:

- vélarbilun, þ.e. tjón sem stafar af: galla í efni, hönnunargalla, smíðagalla, mistökum við uppsetningu, titringi, vanstillingu, rangri staðsetningu, losun vélarhluta, óeðlilegum spennum, brotum af völdum málmþreytu, miðflóttakrafti, varmaleiðni, smurningstregðu eða tilfallandi vöntun á smurefni, yfirspennu af hvaða orsökum sem er, einangrunargalla, skammhlaupi, rafleiðslum sem einangrunin hefur farið af, neistamyndun eða öðrum innbyggðum göllum,
- tjón sem aðeins eru tengd smur- og kælimiðlum,
- tjón sem aðeins snerta gler (annað en rúður), postulín, reimar, tóg, bönd, slöngur, kapla, víra, keðjur, fjaðrir, lyftu-eða færíbönd, hjól, hjólbarða, rafgeyma, eða aðra slíka hluti sem verður að skipta um reglulega við eðlilega notkun,
- tjón sem aðeins verður á gúmmíhringjum og beltum,
- tjón á rafbúnaði vinnuvélarinnar er hljótast af skammhlaupi, sem ekki veldur eldsvoða,
- skemmdir á strokkum, kæli eða öðrum hlutum vinnuvélarinnar er stafa af því að kælivatnið frýs eða af öðrum áhrifum veðráttunnar,
- dældir og rispur, sem teljast eðlilegar vegna notkunar vinnuvélarinnar eða rýra ekki notagildi hennar,
- slit sem leiðir af eðlilegri notkun, ryðbruna eða tæringu,



231 Kaskótrygging vinnuvéla

VÁTRYGGINGARSKILMÁLAR

- i. þjófnað á einstökum hlutum vinnuvélarinnar,
 - j. tjón af völdum styrjaldar, innrásar, hernaðaraðgerða, borgarrósta, uppreisnar, uppþots, verkfalls eða svipaðra aðgerða,
 - k. tjón af völdum kjarnabreytinga, jónandi geislunar, mengunar af geislavirkum efnum, kjarnaeldsneytis eða kjarnaúrgangsefnis,
 - l. tjón af völdum eldgosa, jarðskjálfta og annarra náttúruhamfara, þó ekki snjóflóða, grjóthruns, skriðufalls og aur- og vatnsflóða.
- 6.2 Vátrygging tekur ekki eftirtalinna atvika nema samið sé um það sérstaklega og þess getið á vátryggingarskírteini:
- a. tjóns er verður við jarðgangagerð og námuvinnslu neðanjarðar,
 - b. tjóns er verður þegar vinnuvélin er á strandvinnupöllum, prömmum og flatbytnum,
 - c. tjóns við flutning á sjó og vatni,
 - d. tjóns er verður í útleigu eða útláni,

SKYLDUR VÁTRYGGÐS ER TJÓN VERÐUR.

7. Tilkynning um tjón og ráðstafanir vegna tjóns.

- 7.1 Þegar tjón er orðið skal vátryggður tafarlaust tilkynna félaginu það með sannanlegum hætti.
- 7.2 Er tjón hefur orðið eða bein hætta er á því að það muni bera að höndum ber vátryggðum að reyna að afstýra tjóni eða draga úr því. Einnig ber vátryggðum að gera ráðstafanir til að tryggja endurgreiðslu félagsins ef hann á rétt til bóta frá þriðja manni. Vátryggður skal gefa félaginu kost á að skoða og meta tjónið áður en viðgerð hefst eða skemmdum munum er ráðstafað.
- 7.3 Svo unnt sé að taka ákvörðun um bótaskyldu úr vátryggingunni og umfang hennar eða vegna endurkröfu skal vátryggður varðveita og veita félaginu aðgang að hljóð- og myndupptökum og hvers kyns rafrænum upplýsingum sem skráð eru í tölvubúnaði ökutækis eða aukabúnaði þess.
- 7.4 Vanræksla á skyldum vátryggðs skv. 1.-3. mgr. getur valdið skerðingu eða missi vátryggingarverndar eftir lögum um vátryggingarsamninga.

VÁTRYGGINGARFJÁRHÆÐ, BÓTAÁKVÖRÐUN, TJÓNSUPPGJÖR.

8. Vátryggingarfjárhæð, vátryggingarverðmæti og vátrygging undir verði.

- 8.1 Vátryggingarfjárhæð er tilgreind í vátryggingarskírteini.
- 8.2 Vátryggingarverðmæti vinnuvélar er raunvirði en raunvirði telst vera sú fjárhæð sem þurft hefði til kaupa á vinnuvélinni á því verðlagi er síðast var á sambærilegri vinnuvél (gegn greiðslu út í hönd) áður en tjónið gerðist að frádreginni hæfilegri verðýrningun hennar vegna aldurs, notkunar, minnkaðs notagildis og annarra atvika.
- 8.3 Sé vátryggingarfjárhæð lægri en vátryggingarverðmæti er ábyrgð félagsins aðeins hlutfallsleg eftir mun þeim sem er á vátryggingarfjárhæð og vátryggingarverðmæti.

9. Algert tjón.

- 9.1 Félagið greiðir bætur fyrir algert tjón, ef:
- a. vinnuvélin verður fyrir svo miklum skemmdum að félagið álítur að teknu tilliti til vátryggingarverðmætis hennar, sbr. 8. gr. að ekki borgi sig að gera við hana,
 - b. vinnuvélinni er stolið og hún hefur ekki fundist innan fjögurra vikna frá því að félaginu var tilkynnt um atburðinn.

10. Bætur fyrir algert tjón.

- 10.1 Verði algert tjón ber félaginu að greiða raunvirði (vátryggingarverðmæti) vinnuvélarinnar en þó aldrei hærra fjárhæð en sem nemur vátryggingarfjárhæðinni sem getið er í vátryggingarskírteini.
- 10.2 Greiði félagið bætur fyrir algert tjón lýkur vátryggingunni þegar gengið er frá tjónsuppgjöri svo fremi að vátryggingin hafi ekki fallið niður áður af öðrum ástæðum. Vátryggingartaki á ekki rétt til endurgreiðslu ef svo stendur á.



231 Kaskótrygging vinnuvéla

VÁTRYGGINGARSKILMÁLAR

11. Viðgerðarkostnaður.

- 11.1 Skemmist vinnuvélin án þess að skilyrði 9. gr. séu fyrir hendi greiðir félagið kostnað við að gera vinnuvélin, að svo miklu leyti sem unnt er, eins og hún var síðast fyrir tjónið.
- 11.2 Félagið hefur rétt til að greiða annað hvort viðgerðarkostnað eða bætur fyrir áætlaðan viðgerðarkostnað. Áður en viðgerð hefst skal leita samþykkis félagsins á tjónsmati. Félaginu er ekki skylt að greiða bætur fyrir viðgerð, sem hafin er án samþykkis þess. Náist ekki samkomulag um áætlaðan viðgerðarkostnað skulu dómkvaddir menn meta hann.
- 11.3 Lækkun á markaðsverði vinnuvélarinnar, óbeint tjón, svo sem afnotamissir, aukaútgjöld vegna vinnu utan venjulegs vinnutíma eða aukakostnaður vegna sérpantana á varahlutum bætist ekki.

12. Vinnuvél í eigu rekstraraðila.

- 12.1 Sé vinnuvél í eigu rekstraraðila, sem getur nýtt greiddan virðisaukaskatt vegna vinnuvélarinnar sem innskatt í rekstri sínum, bætir félagið ekki þann hluta tjóns sem nemur virðisaukaskatti, hvort sem um er að ræða bætur fyrir algert tjón eða vegna viðgerðarkostnaðar.

13. Endurnýjun einstakra hluta.

- 13.1 Verði ágreiningur um hvort eða að hve miklu leyti félagið skuli taka þátt í endurnýjun einstakra hluta vinnuvélarinnar má skjóta honum til úrskurðar dómkvaddra manna. Þeim aðila sem matið gengur í vil ber eigi að greiða matskostnað.

14. Greiðsla bóta og vextir.

- 14.1 Krefjast má greiðslu bóta 14 dögum eftir að félagið átti þess kost að afla þeirra upplýsinga sem þörf var á til að meta vátryggingaratburðinn og ákveða fjárhæð bóta. Vátryggður á rétt á vöxtum af kröfu sinni skv. 50. gr. vátryggingarsamningalaga.

15. Eigin áhætta.

- 15.1 Af hverju tjóni ber vátryggingartaki eigin áhættu eins og getið er á vátryggingarskírteini eða iðgjaldskvittun.

16. Endurkröfuréttur.

- 16.1 Bæti félagið tjón, sem þriðji maður ber skaðabótaábyrgð á, öðlast það rétt vátryggðs gagnvart honum að því marki sem bótunum nemur.

BREYTING Á ÁHÆTTU, RANGAR UPPLÝSINGAR, VARÚÐARREGLUR, HÁTTSEMI VÁTRYGGÐS OG FLEIRA

17. Breyting á áhættu.

- 17.1 Vátryggingartaki skal tilkynna félaginu allar breytingar á vinnuvélinni eða notkun hennar, er haft geta í för með sér breytingu á áhættu, svo sem notkun sérstakra tækja og búnaðar.
- 17.2 Vanræki vátryggingartaki tilkynningarskyldu sína samkvæmt 1. mgr. og verði tjón af völdum hinnar breyttu áhættu lækka bætur að tiltölu miðað við þá iðgjaldshækkun sem félagið hefði áskilið sér vegna áhættubreytingarinnar.

18. Svik og rangar upplýsingar.

- 18.1 Hafi vátryggingartaki við gerð eða endurnýjun vátryggingarsamnings sviksamlega eða með öðrum hætti vanrækt skyldu sína til að veita félaginu upplýsingar um atvik sem haft geta þýðingu fyrir mat þess á áhættunni og vátryggingaratburður hefur orðið fellur ábyrgð félagsins niður í heild eða að hluta, sbr. 20. gr. vátryggingarsamningalaga. Rangar og ófullnægjandi upplýsingar veita félaginu ennfremur rétt til að segja vátryggingunni upp, sbr. 21. gr. laganna.
- 18.2 Veiti vátryggður við uppgjör bóta af ásetningi rangar upplýsingar sem hann veit eða má vita að leiða til þess að hann fær greiddar bætur sem hann á ekki rétt til fellur bótaréttur hans niður og félagið getur sagt upp öllum vátryggingarsamningum sínum við vátryggðan eins og nánar greinir í 47. gr.



231 Kaskótrygging vinnuvéla

VÁTRYGGINGARSKILMÁLAR

vátryggingarsamningalaga.

19. Varúðarreglur.

- 19.1 Vátryggingartaka og þeim, sem hafa vinnuvélina með höndum, er skylt að gæta þess að hún sé í lögmætu ástandi. Sérstaklega ber að sjá um að öryggistæki séu í lagi. Jafnframt skal séð til þess að vinnuvélin sé laus við hvers konar slit sem getur aukið hættu á að tjónsatburður verði og að henni sé haldið við í samræmi við fyrirmæli framleiðanda.
- 19.2 Vinnuvélinni skal einungis vera stjórnað af þeim sem hefur réttindi og kunnáttu til að stjórna henni. Stjórnandi vinnuvélarinnar skal ætíð vera líkamlega og andlega fær til að stjórna henni og ekki undir áhrifum áfengis eða annarra örvandi eða deyfandi efna.
- 19.3 Vátryggingartaka og þeim sem nota hina vátryggðu vinnuvél er skylt að gæta að því að yfirálag sé ekki sett á hana eða hún sé notuð með þeim hætti sem henni var ekki ætlað eða bygging hennar leyfir.
- 19.4 Brot gegn framangreindum varúðarreglum getur leitt til þess að ábyrgð félagsins falli niður í heild eða að hluta sbr. 26. gr. laga um vátryggingarsamninga.

20. Ásetningur og stórkostlegt gáleysi.

- 20.1 Valdi vátryggður tjóni af ásetningi ber félagið enga ábyrgð á tjóninu, sbr. 1. mgr. 27. gr. laga um vátryggingasamninga.
- 20.2 Hafi vátryggður valdið því af stórkostlegu gáleysi að vátryggingaratburður varð eða afleiðingar hans urðu meiri en ella hefði orðið má lækka eða fella niður ábyrgð félagsins, sbr. 2. mgr. 27. gr. vátryggingasamningalaga.

21. Háttsemi annarra en vátryggðs. Samsömun.

- 21.1 Hafi vátryggingaratburður orðið og stjórnandi vinnuvélarinnar, sem með samþykki vátryggðs er ábyrgur fyrir vinnuvélinni, valdið tjóninu af ásetningi, stórkostlegu gáleysi eða brotið gegn varúðarreglum sem um vátrygginguna gilda, er félaginu heimilt, eins og lög leyfa, að skerða eða fella niður bætur til vátryggðs.
- 21.2 Stundi vátryggður atvinnustarfsemi er félaginu heimilt að lækka eða fella niður bætur til hans hafi stjórnandi vinnuvélarinnar valdið tjóninu af ásetningi, stórkostlegu gáleysi eða brotið gegn varúðarreglum sem um vátrygginguna gilda.

GILDISTÍMI, IÐGJALD OG FLEIRA

22. Gildistími vátryggingarinnar.

- 22.1 Vátryggingin tekur gildi þann dag, sem tilgreindur er í vátryggingarskírteininu samkvæmt vátryggingarbeiðninni. Ef vátryggingarskírteini hefur ekki verið gefið út gengur vátryggingin í gildi þegar félagið eða umboðsmaður þess hefur fengið vátryggingarbeiðnina í hendur nema öðruvísi sé um samið. Sé ekki um annað samið gildir vátryggingin til næsta gjalddaga kl. (klukkan) 00.00.

23. Framlenging vátryggingarinnar og uppsögn.

- 23.1 Vátryggingin framlengist um eitt ár í senn nema vátryggingartaki hafi sagt henni upp innan mánaðar frá því að félagið sendi tilkynningu um gjalddaga hins nýja tímabils skv. gr. 24.1. Ekki er þó skylt að tilkynna uppsögn fyrr en tvær vikur eru til loka tímabilsins. Sé vátryggingin hins vegar tekin vegna atvinnurekstrar og umfang rekstraraðila samsvarar fleiri en fimm ársverkum eða starfsemin fer að mestu leyti fram erlendis skal uppsögnin ávallt hafa borist félaginu í síðasta lagi einum mánuði fyrir lok tímabilsins.
- 23.2 Þegar vátrygging er tekin vegna atvinnurekstrar og svo háttar um reksturinn sem greinir í lokamálslið 1. mgr. getur vátryggingartaki ekki sagt vátryggingarsamningnum upp á vátryggingartímanum til að flytja vátrygginguna til annars félags.

24. Greiðsla iðgjalds.

- 24.1 Greiða skal fyrsta iðgjald þegar vátryggingin gengur í gildi, sbr. gr. 22.1, og síðari iðgjöld á tilgreindum gjalddögum. Félagið sendir vátryggingartaka tilkynningu um greiðslu iðgjaldsins. Í tilkynningunni skal greiðslufrestur tilgreindur sérstaklega sem skal vera einn mánuður hið skemmsta frá þeim degi sem



231 Kaskótrygging vinnuvéla

VÁTRYGGINGARSKILMÁLAR

tilkynningin er send.

- 24.2 Sé iðgjald ekki greitt þegar greiðslufresti lýkur skv. 1. mgr. er félaginu heimilt að senda sérstaka aðvörun þar sem greiðslu er krafist innan 14 daga ella fellur váttryggingin niður sé iðgjaldið þá enn ógreitt.
- 24.3 Hafi váttryggingartaki ekki samið sérstaklega við félagið um greiðslu iðgjaldsins áður en frestur skv. 2. mgr. rennur út telst það ógreitt, ef það er ekki að fullu greitt þegar fresturinn er úti.
- 24.4 Krafa um greiðslu iðgjalds er send á heimilisfang váttryggingartaka sem tilgreint er í þjóðskrá nema hann hafi tilgreint annað heimilisfang sérstaklega. Breytingar á tilgreindu heimilisfangi skal þegar í stað tilkynna félaginu.
- 24.5 Falli váttrygging niður skv. 2. mgr. skal váttryggingartaki engu að síður greiða iðgjald fyrir það tímabil sem váttryggingin var í gildi í hlutfalli við það sem eftir er af váttryggingartímabilinu.
- 24.6 Við innheimtu iðgjalds er félaginu heimilt að innheimta sérstakt gjald, sem nánar skal tilgreint í iðgjaldaskrá til að standa straum af kostnaði við innheimtu iðgjaldsins. Þess skal einnig getið sérstaklega í tilkynningu um greiðslu iðgjaldsins.

25. Sala vinnuvélar.

- 25.1 Váttryggingartaka ber að tilkynna félaginu án tafar sé vinnuvélin seld, enda gildir váttryggingin ekki fyrir nýjan eiganda, sbr. þó gr. 2.2. Sé vinnuvélin seld endurgreiðir félagið iðgjald í hlutfalli við það, sem eftir er af váttryggingartímabilinu.

26. Iðgjaldsákvörðun.

- 26.1 Iðgjald fyrir váttryggingu þessa er reiknað eftir iðgjaldaskrá félagsins. Félagið áskilur sér rétt til að ákveða endurnýjunariðgjald eftir nýrri iðgjaldaskrá með hliðsjón af almennri áhættubreytingu, verðlagsþróun og öðrum orsökum, sem raska iðgjaldagrundvellingnum. Slíkar breytingar veita hvorki váttryggingartaka né félaginu rétt til uppsagnar.

27. Uppsagnarréttur félagsins.

- 27.1 Nú hefur váttryggingaratburður orðið, sem leitt hefur til alvarlegs trúnaðarbrests milli félagsins og váttryggingartaka, eða áhættumat, sem er til grundvallar váttryggingunni og iðgjald miðast við, hefur gerbreyst, er félaginu þá heimilt að segja tryggingunni upp með tveggja mánaða fyrirvara. Verði þrjú bótaskyld tjón á 18 mánaða tímabili hefur félagið rétt til þess að segja váttryggingunni upp. Skrifleg uppsögn skal fara fram án ástæðulauss dráttar eftir að félaginu varð kunnugt um atvik sem veita því rétt til uppsagnar. Félaginu er skylt að endurgreiða hlutfallslega iðgjald fyrir þann tíma sem eftir er af váttryggingartímabilinu.

LAUSN ÁGREININGSMÁLA OG VARNARÞING.

28. Lausn ágreiningsmála og varnarþing.

- 28.1 Ágreiningi varðandi váttryggingarsamning og bótaskyldu félagsins að öðru leyti má skjóta til úrskurðarnefndar í váttryggingamálum. Upplýsingar um nefndina og starfshætti hennar má fá hjá félaginu.
- 28.2 Þrátt fyrir úrræði 1. mgr. er aðilum heimilt að leggja ágreininginn fyrir dómstóla. Slík mál, svo og önnur mál sem rísa út af váttryggingu þessari, skulu rekin fyrir Héraðsdómi Reykjavíkur. Félaginu er þó einnig heimilt að höfða mál út af váttryggingunni á heimilisvarnarþingi váttryggingartaka.
- 28.3 Heimili félagsins og varnarþing er í Reykjavík.

Skráning í tjónagrunn Creditinfo Lánstrausts hf.

Tjón sem tilkynnt eru til váttryggingafélaga eru skráð í sérstakan tjónagrunn sem rekinn er af Creditinfo Lánstrausts hf. samkvæmt samningi við Samtök fjármálafyrirtækja (SFF) sem félagið á aðild að og samkvæmt heimild Persónuverndar. Félagið telst ábyrgðaraðili í skilningi persónuverndarlaga nr. 90/2018 vegna skráningar þess á upplýsingum í grunninn og uppflettingum sem framkvæmdar eru á vegum þess. Tilgangur með skráningu í tjónagrunninn er að stemma stigu við váttryggingarsvikum og ofgreiðslu váttryggingabóta. Skráðar eru upplýsingar um kennitölu tjónþola, tjónsnúmer, tegund váttryggingar og tjóns, dagsetning tjóns og skráningar, staðsetning tjóns og eftir atvikum einkvæmt númer hins váttryggða, s.s. skráningarnúmer ökutækis. Við skráningu tjóns fær félagið



231 Kaskótrygging vinnuvéla

VÁTRYGGINGARSKILMÁLAR

yfirlit yfir öll tjón sem tjónþoli hefur tilkynnt óháð félagi og skráð hafa verið í tjónagrunninn. Eingöngu starfsmenn félagsins sem skrá tjón og vinna að tjónauppgjöri hafa aðgang að tjónagrunninum. Upplýsingum skal eytt úr tjónagrunni þegar þeirra gerist ekki lengur þörf í þágu tilgangs vinnslunnar, í síðasta lagi þegar 10 ár eru frá skráningu upplýsinganna.

Skilmálar þessir gilda frá 29. júní 2022